



Clypevs Theologiæ Thomisticæ

Continens Tractatus de Beatitudine, de Actibus humanis, eorumque Moralitate; de Virtutibus ac Donis, de Vitiis ac Peccatis, & de Legibus, nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IX. Alia ratio desumpta ex dominio Dei in nostras voluntates

[urn:nbn:de:hbz:466:1-77355](#)

DE MODO QVO VOLVNTAS MOVETVR.

163

Diss. s. voluntate Dei. Unde eam h̄c sub brevitate art. 3. transcurrimus, ut ad alias progrederiamur.

§. 3.

§. IX.

Alia ratio desumpta ex dominio Dei in nostras voluntates.

HANC rationem breviter ac strictim attigit, impugnando scientiam medium, & explicando concordiam libertatis cum prædestinatione; sed fūlīs modo expendenda est, & magis urgenda.

89. Sic ergo eam propono: Prædeterminare voluntatem est eam applicare ad agendum, seu ad actum determinatum eliciendum: Sed Deus B applicat voluntatem ad agendum: Ergo & ipsam prædeterminat. Major patet ex supra dictis: ostendimus enim Deum per concursum duntaxat simultaneum, non posse applicare causas secundas ad agendum. Minor verò suadetur: Deus habet perfectū dominium in nostram voluntatem, sicut & in alias creaturas, juxta illud Esther 13. *Dominus universorum tu es*: Ergo eam applicat ad agendum. Antecedens est certum, cum dominium Dei fundetur in creatione & conservatione, & voluntas non minus indiget à Deo creari & conservari, quam alia res universi. Consequentia verò sic ostenditur. *Uſus rei* est proprius actus dominij, quod idcirco definitur facultas utendi re in omnes usus à lege permisos: *Uſus autem aliquius rei, nihil aliud est, quam applicatio illius rei ad operationem*, inquit S. Thomas infra qu. 16. art. 1. Ergo si Deus perfectus habet dominium in nostras voluntates, eas ad agendum applicat.

90. Confirmatur: Ideo voluntas nostra applicat potentias inferiores ad suos actus, quia est illarum domina & regina, ut docet S. Thomas h̄c qu. 9. art. 1. Sed Deus perfectus habet dominium in nostram voluntatem, quam ipsa in potentias inferiores: Ergo à fortiori debet voluntatem ad agendum applicare.

91. Respondent Adversarij, Deum moraliter applicare voluntatem, ipsam invitando & excitando ad volendum, & operandum, non verò physicè eam præmovendo: sicut, inquiunt, ipsa voluntas non physicè, sed moraliter movet & applicat potentias inferiores, ratione sympathiae & colligationis potentiarum in eadem anima.

92. Sed contra primò: Falsum est voluntatem non movere & applicare physicè potentias inferiores, ut Disput. præcedenti art. 1. ostendimus, & apertè colligitur ex D. Thoma t. p. qu. qu. 82. art. 4. ubi ait: *Voluntas movet intellectum & alias potentias, sicut alterans movet alteratum, & impellens mover impulsus*; quod totum ad motionem physicam pertinet.

93. Contra secundò: Esto voluntas moraliter tantum moveat & applicet potentias inferiores ad suas operationes, ex hoc non rectè colligitur Deum moraliter duntaxat movere & applicare voluntatem ad agendum: Tum quia Deus & voluntas creata non conjunguntur in eodem supposito, nec radicantur in eadem anima, sicut voluntas & potentiae inferiores; unde Deus non potest per nudam & solam sympathiam, & absque impressione aliquius virtutis aut motionis, applicare voluntatem ad agendum; sicut juxta aliquorum sententiam, voluntas ratione solius sympathiae & colligationis, seu radicationis in

Tom. III.

A eadem animal applicat potentias inferiores, absque eo quod aliquid reale illis imprimat, & physicè eas immutet. Tum etiam, quia cùm Deus perfectus habeat dominium in nostram voluntatem, quam voluntas in potentias inferiores, & proprius actus dominij, sit usus & applicatio rei, Deus nobilior & altior modo, atque adeò physicè, & non solum moraliter, eam movere & applicare debet.

Tertiò: Ex D. Thoma qu. 22. de verit. art. 8. *Sicut voluntas potest immutare actum suum in aliud, ita & multò amplius Deus*: Sed voluntas non solum moraliter, sed etiam physicè scipiam applicat ad agendum, ac movet de uno acto in alium, absque violentia & lesione libertatis: Ergo multò magis Deus id potest. Unde idem S. Doctor ex illo Proverb. 21. *Cor Regis in manu Domini, quocumque voluerit verter illud*, probat 3. contra gent. cap. 88. solum Deum posse moovere voluntatem per modum agentis, id est verè efficiens, ut distinguitur contra motionem moralē, sicut colligitur ex quarta ratione, ubi explicans quid sit moveri per modum agentis, ait: *Dico autem moveri ab extrinseco principio quod moveat per modum agentis, & non per modum finis*. Quare D. Prosper in carmine de ingratis, divinæ gratiæ efficacitatem declarans, docet illam non folis consiliis & suasionibus movere, sed intus immutare ac reformatre mentem hominis.

Non hac consilio tanquam, horatunque benigno, Suadens atq; docens, quasi normam legis haberet Gratia, sed mutans intus mentem, atq; reformans, Vasque novum ex fracto fingens, virtute creandi. Item Divus Bernardus supra citatus ait, quod Deus voluntatem applicat operi, & opus explicat voluntati. Quibus verbis utramque motionem aperte declarat, physicam scilicet, cùm dicit quod voluntatem applicat operi; & moralem, cùm subdit, & opus explicat voluntati, id est, convenientiam & bonitatem objecti seu operis ei ostendit, quod ad motionem moralem pertinet.

Quartò, Si Deus moraliter tantum posset movere & applicare voluntatem, eamque consiliis solum ac suaisionibus excitare, haberet in eam dominium duntaxat politicum & civile, non autem regale & monarchicum; quod videtur absurdum, quia juxta Augustinum, Deus habet cordium inclinandorum omnipotentissimum potestatem, magisque in sua potestate voluntates hominum, quam ipsi homines, cique volenti salvum facere, nullum humanum resistit arbitrium. Item Scriptura Proverb. 21. ait: *Sicut divisiones aquarum, ita cor Regis in manu Domini; quocumque voluerit verter illud*. Ubi divinæ voluntati aperte tribuitur vis ad inclinandum & trahendum cor humanum, quocumque voluerit, idque eadem facilitate & suavitate, quā rivi aquarum humanā operā in diversas partes abque ulla violentia feruntur, ut egregie declarat Cajetanus ibidem, his verbis: *Efficaciam simul & facilitatem divinæ operationis ad inclinandum cor hominis, quocunque Deo placuerit, describit Salomon in istar dividentis aquam in multis rivis. Facillima est enim divisione aqua in multis rivis, eò quod aqua non resistat divisioni. quemadmodum itaque operatio hominis facilissima est efficacia ad dividendum aquam in multis rivis, nec opus est laborare ad hujusmodi divisionem, quamvis laborare oporteat ad fa-*

X ij

95.